

«Балқаш қаласы №9 жалпы білім беретін мектебі» КММ

Жалпы республикалық педагогикалық кеңес  
Хаттама

**Өткізілген күні, уақыты:** 04.09.2021 ж сағат 12:00

**Қатысқаны:** 50

**Қатыспағаны:** 6

**Тақырыбы:** Мемлекеттің сыбайлас жемқорлыққа қарсы күрес саясатының негізгі бағыттары

**Мақсаты:** Мемлекеттің сыбайлас жемқорлыққа қарсы күрес саясатының негізгі бағыттары жайлы түсіндіру.

**Өткізілу формасы:** қашықтықтан (*сілтеме бойынша*)

**Күн тәртібі:**

1. Мемлекеттің сыбайлас жемқорлыққа қарсы күрес саясатының негізгі бағыттары

**Барысы:**

1. Мемлекеттің сыбайлас жемқорлыққа қарсы күрес саясатының негізгі бағыттары туралы бастауыш сынып мұғалімі Жолдасова Шынар Аңсабаевна жеке-жеке талдап, тоқталып өтті.

1. Мемлекеттің сыбайлас жемқорлыққа қарсы күрес саясатының негізгі бағыттары

Сыбайлас жемқорлық адамзаттың ұйымдасқан қоғам пайда болғаннан бері оның құрамдас бір бөлігі болып келетіні ежелден анық. Билік басындағы адамдардың өз құзырын асыра пайдалануына жол бермеу жолдарын қарастыру ежелгі Грекия мен Рим заманындағы зерттеушілер, ғалымдар еңбектерінде маңызды орын алған тақырып. Бүгінгі күні мемлекеттің дамуын тежейтін ішкі факторлардың ішінде сыбайлас жемқорлық, онымен күрес жолы ең күрделі және мемлекеттің халық алдында, халықаралық деңгейде беделін түсіретін құбылыс болып отыр. Жемқорлықпен күрестің әлемдік тәжірибесі көрсетіп отырғандай, оның халықаралық құқық саласында бірауыздан мойындалған анықтамасы жоқ екенін, онымен күрес салдары, тәжірибесі әр мемлекетте әртүрлі болғандығын көрсетіп отыр. Дамыған Еуропа елдері мен АҚШ-та саяси партиялар арасында партиялық сыбайлас жемқорлық етек алған. Дамушы елдерде сыбайлас жемқорлық мемлекеттің аппараттың барлық сатыларында кездеседі.

Біріккен Ұлттар Ұйымының Сыбайлас жемқорлыққа қарсы конвенциясы 2003 жылы қабылданды, 2008 жылы конвенцияны Қазақстан Республикасы да ратификациялай отырып, оған мүше 140 мемлекеттің қатарына кірді. Осы конвенцияда қатысушы мемлекеттерге ұсынылған талаптардың басым бөлігі Қазақстанда жүзеге асырылуда. Конвенцияның 6, 36-баптарында айтылған сыбайлас жемқорлықпен күресуге арнайы мамандандырылған мемлекеттік орган құру, мемлекеттік қызметке кадрларды конкурс негізінде қабылдау, мемлекеттік қызметшілердің ар-намыс кодексін қабылдау, мемлекеттік сатып алуларда ашықтық пен бәсекелестікті қамтамасыз ету туралы талаптар жүзеге асырылды. БҰҰ ұсыныстарындағы 13-бап қарастыратын талаптар сыбайлас жемқорлықпен күреске мемлекеттік ұйымдармен қатар азаматтық қоғамды жұмылдырумен байланысты болады. Осы бағытты іске асыру Қазақстан Республикасының алдында тұрған басты міндеттердің бірі болып табылады.

2015 жылға дейін Қазақстан Республикасында сыбайлас жемқорлыққа қарсы бірнеше бағдарламалар жүзеге асырылды. Сыбайлас жемқорлыққа қарсы өзара сабақтас, тұрақты мемлекеттік деңгейдегі шаралардың жүзеге асырылуына Қазақстан Республикасы Президентінің «Қазақстан 2050» стратегиясында көрсетілген міндеттер жаңа қарқын

беріп, күрес бағыттарын айқындай түсті. «Қазақстан 2050» стратегиясымен белгіленген жаңа міндеттер арасында онымен күресті жалпы халықтық деңгейге көтеру, сыбайлас жемқорлықтың алдын алу шараларын нығайту, қоғамның барлық салаларында сыбайлас жемқорлыққа қарсы мәдениет қалыптастыру, мемлекеттік органдарға халықтың бақылауын күшейту бар.

Елбасының «Қазақстан 2050» стратегиясында айтылған сыбайлас жемқорлыққа қарсы күрестің жаңа бағытын жүзеге асыру мақсатында көптеген мемлекеттік органдарда, қоғамдық-саяси ұйымдарда 2015 жылдан басталатын сыбайлас жемқорлықпен күрестің салалық бағдарламалары қабылданды. 2014 жылдың 11 қарашасында жан-жақты қоғамдық талқылаулардан соң «Нұр Отан» партиясының 2015-2025 жылдарға арналған сыбайлас жемқорлықпен күрес бағдарламасы жарияланды. Оның басты мақсаты – кез келген жемқорлық белгілеріне мүлдем төзбеушілік ахуалын қалыптастырып, бұған бүкіл қоғамды тарту. Алдағы онжылдықта «Нұр Отан» партиясы сыбайлас жемқорлыққа қарсы мәдениетті қалыптастыру, оның алдын алу, мемлекеттік басқару органдарында қоғамдық бақылауды күшейту, жергілікті басқару өкілеттігін кеңейту және сыбайлас жемқорлыққа қарсы заңнаманы жетілдіру міндеттерін жүзеге асырады.

2015 жылғы 1 сәуірде мақұлданған Қазақстан Республикасы Қаржы министрлігінің сыбайлас жемқорлықпен күрестің әдістемелік ұсынымдары кадрлық мәселелерінде оны түп-тамырымен жоюға бағытталған. Әдістемелік ұсынымдарда кадрларды таңдау, дайындау, біліктілік жоғарылатуда жемқорлық белгілерінің алдын алу, министрлік құзырындағы мекемелерде кадрлар құрамына жауапты тұлғалар және олардың жауапкершілігі анықталған.

Алдағы уақытта сыбайлас жемқорлықпен күрес тек атқарушы немесе басқарушы биліктің ғана емес, жалпыұлттық, халықтық мақсатқа айналуы тиіс, тек сонда ғана осы қоғамдық індет тамырына балта шабылады.

## ШЕШІМ

1. Мемлекеттің сыбайлас жемқорлыққа қарсы күрес саясатының негізгі бағыттары бойынша жұмыстар жүргізілсін

Директор

Хатшы



Д.Жолдасова

Г.Кәрім